

四庫全書

史部

欽定四庫全書

水經注釋卷三十七

仁和趙一清撰

淹水

葉榆水

夷水

油水

澧水

沅水

浪水

淹水出越雋遂久縣徼外

呂忱曰淹水一曰復水也

東南至靖蛉縣

縣有禺同山其山神有金馬碧雞光景儵忽民多見
之漢宣帝遣諫大夫王褒祭之欲致其雞馬褒道病
而卒是不果馬王褒碧雞頌曰敬移金精神馬縹碧
之雞故左太沖蜀都賦曰金馬騁光而絕影碧雞儵
忽而耀儀

又東過姑復縣南東入于若水

淹水逕縣之臨池澤

全氏曰漢志越雋郡姑復縣臨池澤在南又青蛉縣臨池澤在

北澤之與瀟不知何以分也一清按瀟即澤也二縣
地界以此而分方輿紀要姑復廢縣在四川會川衛

南沈約志雲南有東西二古復縣即漢姑復縣青蛉廢縣在雲南姚州大姚縣北而東北逕

雲南縣西東北注若水也

一清按劉昭郡國志補注引南中志曰縣西高山相

連有大泉水周旋萬步名馮河

益州葉榆河出其縣北界屈從縣東北流

縣故滇池葉榆之國也漢武帝元封二年使唐蒙開之以為益州郡郡有葉榆縣縣西北十里有弔鳥山衆鳥千百為羣共會嗚呼啁哳每歲七八月至集六七日則止一歲六至雉雀來弔夜然火而取之其無

嗉不食似特悲者以為義鳥則不取也俗言鳳凰死

于此山故衆鳥來弔因名曰弔鳥縣之東有葉榆澤

葉榆水所鍾而為此川藪也

禹貢雖指曰蔡傳述程大昌之論曰樊綽以麗

水為黑水恐其狹小不足為界其所稱西洱河者却與漢志葉榆澤相貫廣處可二十里既足以界別二州其流又正趨南海又漢滇池即葉榆之地武帝初開滇舊時其地古有黑水祠夷人不知載籍必不能附會而綽及道元皆謂此澤以葉榆所瀆得名則其水之黑似榆葉積瀆所成且其地乃蜀之正西又東北距宕昌不遠宕昌即三苗種喬與三苗之故于三危者又為相應莫此之明也而傳同叔非之杏溪之識遠過九峯矣葉榆本瑩語與中國文義不同安知為榆樹之葉澤以榆葉所瀆得名檢鄺注無此言蓋

亦出樊綽韓汝節云此說尤不通源之黑或由榆葉所漬若流去數千里其色尚不變有是理乎且他處黑水甚多未聞皆有樹葉落其下也宕昌國唐為宕州地州南至扶州四百一十里北至岷州二百五十里蓋古梁州之北界而程氏云葉榆河在蜀之正西東北距宕昌不遠計宕昌西南距大理凡三千餘里而猶謂之不遠豈生不見圖籍乎且葉榆縣在益州郡西七百餘里縣東有葉榆澤其下流雖逕滇池縣南而未嘗有黑水之稱安得謂其所祠即黑水之源哉一清按葉榆范史滇王哀牢傳俱作摺榆章懷注云摺或作蝶則此水果非因榆葉所漬致黑足以折九峯之妄而挂樊生之口矣樊綽唐咸通中為安南都護蔡襲從事著蠻書十卷見唐書藝文志

過不韋縣

縣故九隆哀牢之國也有牢山其先有婦人名沙臺

朱氏謀埤笺曰後漢書作沙壹居于牢山捕魚水中觸沈木若有感

因懷孕產十子後沈木化為龍出水九子驚走小子

不能去背龍而坐龍因抱朱氏謀埤笺曰後漢書作舐之其母鳥

語謂背為九謂坐為隆因名為九隆及長諸兄遂相

共推九隆為王後牢山下有一夫一婦生十女九隆

皆以為妻遂因孽育皆畫身像龍文衣皆著尾九隆

死世世不與中國通漢建武二十三年王遣兵乘單

船南下水攻漢鹿芎民鹿芎民弱小將為所擒于是
天大震雷疾雨南風漂起水為逆流波湧二百餘里
單船沈沒溺死數千人後數年復遣六王將萬許人
攻鹿芎鹿芎王與戰殺六王哀牢耆老共埋之其夜
虎掘而食之明旦但見骸骨驚怖引去乃懼耆老謂
其小王曰哀牢犯徼自古有之今此攻鹿芎輒被天
誅中國有受命之王乎何天祐之明也即遣使道越
雋秦獻求乞內附長保塞徼漢明帝永平十二年置

為永昌郡郡治不韋縣蓋秦始皇徙呂不韋子孫于

此故以不韋名縣

沈氏曰常璩云武帝置不韋縣徙南越相呂嘉宗族于此因名不韋

以韋其先人之惡非秦徙也

北去葉榆六百里葉榆水不逕其縣

自不韋北注者盧倉禁水耳葉榆水自縣南逕遂久

縣東又逕姑復縣西與淹水合又東南逕永昌邪龍

縣縣以建興三年劉禪分隸雲南于不韋縣為東北

東南出益州界

葉榆水自邪龍縣東南逕秦臧縣南與僕水同注滇

池澤於連然雙柏縣也葉榆水自澤又東北流逕滇池縣南又東逕同並縣南又東逕漏江縣伏流山下復出蝮口謂之漏江左思蜀都賦曰漏江汎流潰其阿汨若湯谷之揚濤沛若濛汜之湧波諸葛亮之平南中也戰于是水之南葉榆水又逕賁古縣北東與

盤江合盤水出律高縣東南監町山

一清按漢志注師古曰監音呼

鷄反町音挺

東逕梁水郡北賁古縣南水廣百餘步深處

十丈甚有瘴氣朱哀之反李恢追至盤江者也建武

十九年伏波將軍馬援上言從麋泠出賁古擊益州
臣所將越駱萬餘人便習戰鬥者二千兵以上弦毒
矢利以數發矢往如雨所中輒死愚以行兵此道最
便蓋承藉水利用為神捷也盤水又東逕漢興縣山
溪之中多生邛竹桄榔樹樹出麪而夷人資以自給
故蜀都賦曰邛竹緣嶺又曰麪有桄榔盤水北入葉
榆水諸葛亮入南中戰於盤東是也

入牂柯郡西隨縣北為西隨水又東出進桑關

進桑縣牂柯之南部都尉治也水上有關故曰進桑
關也故馬援言從麋泠水道出進桑王國至益州賁

古縣轉輸通利蓋兵車資運所由矣

全氏曰漢志牂柯郡西隨縣麋

水西受徼外東至麋泠入尚龍谿過郡二行千一百
六里都夢縣壺水東南至麋泠入尚龍谿過郡二行
千一百六十里益州來唯縣勞水出徼外東至麋泠
入南海過郡二行三千五百六十里是皆所云麋泠
水道也而壺水獨無聞自西隨至交阯崇山接險水路三千里

葉榆水又東南絕温水而東南注于交阯

過交阯麋泠縣北分為五水絡交阯郡中至東界復合

為三水東入海

尚書大傳曰堯南撫交阯于禹貢荊州之南垂幽荒之外故越也周禮南八蠻雕題交阯有不粒食者焉春秋不見于傳不通于華夏在海島人民鳥語秦始皇開越嶺南立蒼梧南海交阯象郡漢武帝元鼎二年始并百越啟七郡于是乃置交阯刺史以督領之初治廣信所以獨不稱州時又建朔方郡已始開北垂遂辟交阯於南為子孫基阯也

一清按後漢書章懷注引輿地志云

其夷足大指開折兩足並立趾則相交趾與趾同古
字通用然則非因武帝置郡而有子孫基趾之說也

此蓋襲應劭漢官儀之文
麋泠縣漢武帝元鼎六年開都尉治交

州外域記曰越王令二使者典主交趾九真二郡民
後漢遣伏波將軍路博德討越王路將軍到合浦越

王令二使者齎牛百頭酒千鍾及二郡民戶口簿詣

路將軍乃拜二使者為交趾九真太守主諸雜將主

民如故

全氏曰按交趾長稱西于王見漢書功臣表
左將黃同斬之不稱越亦非迎降者晉書地

道記謂南越侯織交趾郡及州本治於此也州名為
封羸樓侯亦非也

交州後朱戴雒將子名詩索麋泠雒將女名徵側為

妻

一清按索妻猶言娶婦范史南蠻西南夷傳云嫁為朱雋人詩索妻繆之甚矣

側為人

膽勇將詩起賊攻破州郡服諸雒將皆屬徵側為王

治麋泠縣得交趾九真二郡民二歲調賦後漢遣伏

波將軍馬援將兵討側詩走入金溪究

全氏曰按金溪范史作禁

谿章懷注引越志作金溪穴一清按穴乃究字之誤

三歲乃得爾時西蜀並遣

兵共討側等悉定郡縣為令長也山多大蛇名曰蚺

蛇長十丈圍七八尺常在樹上伺鹿獸鹿獸過便低

頭繞之有頃鹿死先濡令溼訖便吞頭角骨皆鑽皮
出山夷始見蛇不動時便以大竹籤籤蛇頭至尾殺

而食之以為珍異故楊氏南裔異物志

一清按隋書
經籍志交州

異物志一
卷楊孚撰

曰髯惟大蛇既洪且長采色駸犖其文錦

章食豕吞鹿腴成養創賓享嘉宴是豆是觴言其養
創之時肪腴甚肥搏之以婦人衣投之則蟠而不起
走便可得也此二水左水東北逕望海縣南建武十
九年馬援征徵側置又東逕龍淵縣北又東合南水

自糜泠縣東逕封溪縣北交州外域記曰交阯昔未

有郡縣之時土地有雒田其田從潮水上下民墾食
其田因名為雒民設雒王雒侯主諸郡縣縣多為雒
將雒將銅印青綬後蜀王子將兵三萬來討雒王雒
侯服諸雒將蜀王子因稱為安陽王後南越王尉他
舉衆攻安陽王安陽王有神人名皋通下輔佐為安
陽王治神弩一張一發殺三百人南越王知不可戰
却軍住武寧縣按晉太康記縣屬交阯

全氏曰九南
字注中注

越遣太子名始降服安陽王稱臣事之安陽王不知
通神人遇之無道通便去語王曰能持此弩王天下
不能持此弩者亡天下通去安陽王有女名曰媚珠
見始端正珠與始交通始問珠令取父弩視之始見
弩便盜以鋸截弩訖便逃歸報南越王南越進兵攻
之安陽王發弩弩折遂敗安陽王下船逕出于海今
平道縣後王宮城見有故處晉太康地記縣屬交阯
全氏曰九南越遂服諸雜將馬援以西南治遠路逕
字注中注

千里分置斯縣治城郭穿渠通道溉灌以利其民縣
有猩猩獸形若黃狗又狀貍狔人面頭顱端正善與
人言音聲麗妙如婦人好女對語交言聞之無不酸
楚其肉甘美可以斷穀窮年不厭又東逕浪泊馬援
以其地高自西里進屯此又東逕龍淵縣故城南又

東左合北水

建安二十三年

一清按浪水篇
注作二十二年

立州之

始蛟龍蟠編于水南北二津故改龍淵以龍編為名
也盧循之寇交州也交州刺史杜慧度率水步晨出

南津以火箭攻之燒其船艦一時潰散循亦中矢赴水而死于 是斬之傳首京師慧度以斬循勲封龍編侯劉欣期交州記曰龍編縣功曹左飛曾化為虎數月還作吏既言其化亦化無不在牛哀易虎不識厥兄當其革狀安知其譌變哉其水又東逕曲易縣東流注于浪鬱經言於郡東界復合為三水此其一也

全氏曰當作此其二也二水謂南水北水其次一水謂中水合之為三水其次一水東逕

封谿縣南又西南逕西于縣南又東逕羸樓縣北又

東逕北帶縣南又東逕稽徐縣湮水注之水出龍編縣高山東南流入稽徐縣注于中水中水又東逕羸樓縣南交州外域記曰縣本交阯郡治也林邑記曰縣自交阯南行都官塞浦出焉其水自縣東逕安定縣北帶長江江中有越王所鑄銅船潮水退時人見之者其水又東流隔水有泥黎城言阿育王所築也又東南合南水南水又東北逕九德郡北交州外域記曰交阯郡界有扶巖究在郡之北隔渡一江即

是水也江北對交阯朱戴縣又東逕浦陽縣北又東
逕無切縣北建武十九年九月馬援上言臣謹與交
阯精兵萬二千人與大兵合二萬人船車大小二千
艘自入交阯于今為盛十月援南入九真至無切縣
賊渠降進入餘發渠帥朱伯棄郡亡入深林巨藪犀
象所聚羣牛數千頭時見象數十百為羣援又分兵
入無編縣王莽之九真亭全氏曰六至居風縣帥不
字注中注降並斬級數十百九真乃靖其水又東逕勾漏縣縣

帶江水江水對安定縣林邑記所謂外越安定紀粟者也江中有潛水牛形似水牛上岸鬪角軟還入江水角堅復出又東與北水合又東注鬱亂流而逝矣此其三也平撮通稱同歸鬱海故經有入海之文矣夷水出巴郡魚復縣江

夷水即佷山清江也水色清照十丈分沙蜀人見其

澄清因名清江也

一清按應劭曰夷山在夷陵西南又云夷水出巫東入江然夷水之

源最遠方輿紀要云源出蠻中南流名拓林溪經天池洛浦名黔黎溪南至金洞唐崖入黔江縣名黔江

又云黔江自貴州思州之上費溪發源經五十八節
名灘至黔州境分流入黔江縣界為施州江入湖廣
施州衛謂之清江是也水源之遠如此是以善長不
記其所出而以猥山清江為限至應劭所云夷山似
因夷水得名大類常璩漾山漾水之殊目不足為據
江水篇經云江水又東南過夷道縣北夷水從猥山
縣南東北注之注云夷道縣為二江之會是夷水出
江入江而胡朏明云禹循江而南且東以至于巫山
乃不出三峽而並夷水以東且南逾澧水沅水以至
于衡山導江云東別為沱又東至于澧則不經三峽
可知又云夷水首出魚復江尾入宜都江行五百餘
里是亦荊州之沱也古時自巴入楚避三峽之險皆
由此路史記張儀說楚王曰秦西有巴蜀大船積粟
起于汶山浮江以下至楚三千餘里舫船載卒一日
行三百餘里不至十日而扞扞闕扞闕驚則從境以
東盡城守矣黔中巫郡非三峽之有此言舟師自夷

水入楚也楚世家肅王四年蜀伐楚取茲方于是楚
為扞關以拒之水經注江水自江關東逕弱關捍關
蓋大江出三峽逕弱關江沱出佷山逕捍關劃然兩
道儀言浮江以下拒扞關則不徑巫峽明矣夷水受
江處不知何時日就湮塞後漢建武中公孫述遣將
田戎等乘枋箬下江關拔夷道夷陵光武命岑彭吳
漢伐之泝江而上則皆取道于三峽而不復由夷水
矣蓋其時水已淺狹不勝戰艦自後荆梁用師未有
不由峽江者然酈注云河渠裁得通船則後魏時猶
存下逮唐初建始之北遂成斷港故章懷注西南夷
傳寰宇記明一統志不復知此水出西北奉節之大
江而以為西南施州衛之山源然自漢志已不言首
受江未知何故班氏疎畧頗多水經注源委詳明而
又有張儀之言為證無可疑者禹導江自梁入荆必
浮此水也東樵此言較究漢為叢然則夷水乃跨有
荆梁之沱禹貢所記二州指此已脩紛紛鄆江玉輪

江部江枝江皆
後起之名耳
昔廩君浮土舟於夷水據扞闕而王

巴是以法孝直有言魚復扞闕臨江據水實益州禍
福之門夷水又東逕建平沙渠縣縣有巫城南岸臨
水山道五百里其水歷縣東出焉

東南過佷山縣南

夷水自沙渠縣入水流淺狹裁得通船東逕難留城
南城即山也獨立峻絕西面上里餘得石穴祀火行
百許步得二大石磧並立穴中相去一丈俗名陰陽

石陰石常溼陽石常燥每水旱不調居民作威儀服飾往入穴中旱則鞭陰石應時雨多雨則鞭陽石俄而天晴相承所說往往有效但捉鞭者不壽人頗惡之故不為也東北面又有石室可容數百人每亂民入室避賊無可攻理因名難留城也昔巴蠻有五姓未有君長俱事鬼神乃共擲劍於石穴約能中者奉以為君巴氏子務相乃中之又令各乘土舟約浮者當以為君唯務相獨浮因共立之是為廩君乃乘土

舟從夷水下至鹽陽鹽水有神女謂廩君曰此地廣大魚鹽所出願留共居廩君不許鹽神暮輒來宿旦化為蟲羣飛蔽日天地晦暝積十餘日廩君因伺便射殺之天乃開明廩君乘土舟下及夷城夷城石岸嶮曲其水亦曲廩君望之而嘆山崖為崩廩君登之上有平石方二丈五尺因立城其傍而居之四姓臣之死精魂化而為白虎故巴氏以虎飲人血遂以人祀鹽水即夷水也

全氏曰按江水篇夷水出夷谿鹽水出巫谿今此合為一

又有

鹽石即陽石也盛宏之以是推之疑即廩君所射鹽
神處也將知陰石是對陽石立名矣事既鴻古難為
明徵夷水又東逕石室在曾巖之上石室南向水出
其下懸崖千仞自水上逕望見每有陽山嶺者扳木
側足而行莫知其誰村人駱都小時到此室邊採蜜
見一仙人坐石牀上見都凝矚不轉都還招村人重
往則不復見鄉人今名為仙人室袁山松云都孫息
尚存夷水又東與溫泉三水合大溪南北夾岸有温

泉對注夏煖冬熱上常有霧氣瘍疾百病浴者多愈
父老傳此泉先出鹽于今水有鹽氣夷水有鹽水之
名此亦其一也夷水又東逕佷山縣故城南縣即山

名也孟康曰音恒出藥草恒山今世以銀為音也

全氏

曰孟康曰下十
七字注中注 舊武陵之屬縣南一里即清江東注

矣南對長楊溪溪水西南潛穴穴在射堂村東六七
里谷中有石穴清泉瀆流三十許步復入穴即長楊
之源也水中有神魚大者二尺小者一尺居民釣魚

先陳所須多少拜而請之拜訖投釣餌得魚過數者
水輒波湧暴風卒起樹木摧折水側生異花路人欲
摘者皆當先請不得輒取水源東北之風井山迴曲
有異勢穴口大如盆袁山松云夏則風出冬則風入
春秋分則靜余往觀之其時四月中去穴數丈須臾
寒慄言至六月中尤不可當往人有冬過者置笠穴
中風吸之經月還步揚溪得其笠則知潛通矣其水
重源顯發北流注于夷水此水清冷甚於大溪縱暑

伏之辰尚無能澡其津流也縣北十餘里有神穴平居無水時有渴者誠啟請乞輒得水或戲求者水終不出縣東十許里至平樂村又有石穴出清泉中有潛龍每至大旱平樂村左近村居輦草穢著穴中龍怒須臾水出蕩其草穢傍側之田皆得澆灌從平樂順流五六里東亭村北山甚高峻上合下空空徽東西廣二丈許高起如屋中有石牀甚整頓傍生野韭人往乞者神許則風吹別分隨偃而摘不得過越不

偃而擗輒凶往觀者去時特平暨處自然恭肅矣

又東過夷道縣北

夷水又東逕虎灘岸石有虎像故因以名灘也夷水

又東逕釜瀨其石大者如釜小者如刁斗形色亂真

唯實中耳夷水又東北有水注之其源百里與丹水

出西南望州山山形竦峻峰秀甚高東北白巖壁立

西南小演通行登其頂平可有三畝許上有故城城

中有水登城望見一州之境故名望州山俗語訛今

名武鍾山山根東有湧泉成溪即丹水所發也下注
丹水天陰欲雨輒有赤氣故名曰丹水矣丹水又逕
亭下有石穴甚深未嘗測其遠近穴中蝙蝠大者如

烏悉多倒懸元中記曰蝙蝠百歲者倒懸得而服之

使人神仙穴口有泉冬溫夏冷

一清按此處有脫文
蓋言泉水有魚故下

有秋藏春
遊之文

秋則入藏春則出遊民至秋闌斷水口得

魚大者長四五尺骨軟肉美異於餘魚丹水又逕其
下積而為淵淵有神龍每旱村人以蒿草投淵上流

魚則多死龍怒當時大雨丹水又東北流兩岸石上有虎跡甚多或深或淺皆悉成就自然咸非人工丹水又北注于夷水水色清澈與大溪同夷水又東北逕夷道縣北而東注

東入于江

夷水又逕宜都北東入大江有涇渭之比亦謂之恨山北溪水所經皆石山略無土岸其水虛映俯視遊魚如乘空也淺處多五色石冬夏激素飛清傍多茂

木空岫靜夜聽之恒有清響百鳥翔禽哀鳴相和巡
頽浪者不覺疲而忘歸矣

油水出武陵孱陵縣西界

縣有白石山油水所出東逕其縣西與泥水合水出
高成縣泥山東逕其縣下東至孱陵縣入油水也

東過其縣北

縣治故城王莽更名孱陸也劉備孫夫人權妹也又
更修之其城背油向澤

又東北入于江

油水自孱陵縣之東北逕公安縣西又北流注于大江

澧水出武陵沅縣西歷山東過其縣南

澧水自縣東逕臨澧零陽二縣故界水之南岸白石雙立厥狀類人高各三十丈周四丈古老傳言昔沅縣尉與零陽尉共論封境因相傷害化而為石東標零陽西揭沅縣後即其地為臨澧縣之故治臨側

澧水即為縣名晉太康四年置澧水又東茹水注之
水出龍茹山水色清澈漏石分沙莊辛說楚襄王所
謂飲茹溪之流者也茹水東流入澧水

又東過零陽縣之北

澧水東與溫泉水會水發北山石穴中長三十丈冬
夏沸湧常若湯焉溫水南流注于澧水澧水又東合

零溪水源南出零陽之山歷溪北注澧水

一清按漢志武陵郡

零陽縣應劭曰零水所出東入湘
殆即零溪也而道元以為入澧

澧水又東九渡水

注之水南出九渡山山下有溪又以九渡為名山獸咸飲此水而逕越他津皆不飲之九渡水北逕僊人樓下傍有石形極方峭世名之為僊樓水自下歷溪曲折逶迤傾注行者間關每所寨沂山水之號蓋亦因事生焉九渡水又北流注于澧水澧水又東婁水入焉水源出巴東界東逕天門郡婁中縣北又東逕零陽縣注于澧水澧水又東逕零陽縣南郡綠零溪以著稱矣澧水又逕澧陽縣右會漂水水出建平郡

東逕溧陽縣南晉太康中置溧水又左合黃水水出
零陽縣西北連巫山溪出雄黃頗有神異採之常以
冬月祭祀鑿石深數丈方得佳黃故溪水取名焉黃
水北流注于溧水溧水又東注澧水謂之溧口澧水
又東逕澧陽縣南南臨澧水晉太康四年立天門郡
治也吳永安六年武陵郡雋梁山高峰孤竦素壁千
尋望之若亭有似香爐其山洞開元朗如門高三百
丈廣二百丈門角上各生一竹倒垂下拂謂之天帚

孫休以為嘉祥分武陵置天門郡澧水又東歷層步
山高秀特立山下有峭澗泉流所發南流注于澧水
又東過作唐縣北

作唐縣後漢分孱陵縣置澧水入縣左合涔水水出

西南天門郡界南流逕涔坪屯屯塌涔水溉田數千

頃

一清按說文涔陽渚在郢中

又東南流注于澧水澧水又東澹

水出焉澧水又南逕故郡城東東轉逕作唐縣南澧

水又東逕南安縣南晉太康元年分孱陵立澹水注

之水。上承澧水。於作唐縣東。逕其縣北。又東注于澧。

謂之澹口。

一清按澹水三國時亦曰誕水。吳書黃蓋傳所謂巴醴由誕者也。由卽油水。誕卽澹。

水。王仲宣贈士孫文始詩曰悠悠澹澧者也。澧水又

東與赤沙湖水會。湖水北通江而南注澧。謂之沙口。

澧水又東南注于沅水。曰澧口。蓋其枝瀆耳。離騷曰

沅有芷兮澧有蘭。

又東至長沙下。鴛縣西北。東入于江。

澧水流注于洞庭湖。俗謂之曰澧江口也。

沅水出牂柯且蘭縣

一清按漢志續志皆云故且蘭至晉志始去故字宋志云且蘭令漢

舊縣云故且蘭是也此條經文與按江水篇氐道縣同一例

為旁溝水又東至鐔成

縣為沅水

志云方輿紀要沅江在沅州府西南五里自貴州番界入沅州境又云澧水在州南四里

又引熊氏曰今辰州之武漢即古澧水沅州之澧漢蓋即沅水之異名耳按諸書皆謂澧水即沅水是混澧沅

而一之其說均非不可不辨蓋熊氏之以澧水即沅水者由誤以武漢即無水且今澧溪縣志亦祖其說是踵

誤也夫無水之名見于水經注武漢之名亦見于水經注水經注謂武漢源出武山南注于沅後漢書注今辰

州盧浮縣西有武山高可萬仞元和郡縣志亦云盧水在盧溪縣西二百五十里即武漢所出是武漢可名盧

水而按其源流與出自故且蘭東南入沅之無水迥別顧熊氏之為此說或因荊州記五溪有武漢無澧溪故

遂以武漢當濼溪與不知五溪之名出入不一武漢注之不能當濼溪猶濼溪之不能當沅溪也惟見于水經注者為足據耳至于顧氏之言則又泥解水經注何也漢書注言無水首受故且蘭又言沅水出牂柯首受與出既異文則義固自有別是沅與濼本二水也水經言沅水至罽成縣為沅水罽成今黔陽也水經注言無水南流至無陽故縣無陽故縣今芷江也安得謂無陽即罽成耶乃或者疑經文有沅水東逕無陽縣句可以證沅無摠一水之說不知舊本此段經文自沅水出牂柯云云至東至罽成縣為沅水句止下云東逕無陽縣五字則注起語也酈道元北魏人其所謂無陽縣者乃晉義熙中徙故罽成之無陽亦即今黔陽已非漢舊故稱漢之無陽為故縣以別之且下即云無水出故且蘭南流至無陽故縣者蓋謂沅之上流另有一支之水流入于沅故注文至謂之濼口句下又云沅水東逕無陽縣前有故字而後無故字則五字之非經文可知自朱鬱儀

移作經文且自謂據宋本改正鬱儀號稱博雅其點竄
古人不無穿鑿附會顧氏不細詳經注漫以沂始析流
為得解強合為一以誤後人東逕無陽縣一清按後漢
而莫有知其非者尤可怪也省無陽故不
見于續志晉志作舞陽宋志云太康地志有蓋復立也
此句之首注有脫文朱謀埠箋曰舊本作注文據宋本
是經文非是

瑯珠沅州府

無水出故且蘭南流至無陽故縣縣對無水因以氏

縣無水又東南入沅謂之無口

一清按漢志無水首
受故且蘭南入沅行

八百九
十里

沅水東逕無陽縣南臨運水水源出東南岸

許山西北逕其縣南流注于熊溪熊溪南帶移山清一

按浪水篇注無陽縣山本在水北夕中風雨旦而山
有移漢殆即熊漢也

移水南故山以移為名蓋亦蒼梧郁州東武恠山之
類也熊溪下注沅水沅水又東逕辰陽縣縣有龍溪
水南出于龍嶠之山北流入于沅沅水又東溢水注
之南出扶陽之山北流會于沅沅水又東與序溪合
水出武陵郡義陵縣廊梁山西北流逕義陵縣王莽

之建平縣也治序溪其城劉備之秭歸馬良出五溪

綏撫蠻夷良率諸蠻所築也

一清按義陵縣後漢廢
蜀志先主傳軍次秭歸

武陵五谿蠻夷遣使請兵將軍吳班陳式水軍屯夷陵夾江東西岸先主自秭歸率諸將進軍緣山絕巔于夷道獠亭駐營自佷山通道武陵遣侍中馬良安撫五谿蠻夷咸相響應良所築城即故義陵城也之猶往所治序溪最為沃壤良田數百頃特宜稻修作

無廢又西北入于沅

一清按漢志武陵郡義陵縣沅

水又東合桂水水導桂溪北流注沅

一清按序水方輿紀要作淑水

引舊志云今淑浦縣南有雙龍江其水一自縣南百二十里之龍潭發源一自縣東二十里龍灣發源流經縣南二里之龍堆合流而西入于沅蓋即序溪矣注又別名之曰桂漢桂序音同通用故耳沅水

又東逕辰陽縣南東合辰水水出縣三山谷

一清按漢志武

陵郡辰陽縣三山谷辰水所出南入沅行七百五十里東南流合獨母水水源

南出龍門山歷獨母溪北入辰水辰水又逕其縣北

舊治在辰水之陽故即名焉楚辭所謂夕宿辰陽者

也王莽更名會亭矣辰水又右會沅水名之為辰溪

口武陵有五溪謂雄溪楠溪無溪酉溪辰溪其一焉

夾溪悉是蠻左所居故謂此蠻為五溪蠻也沅水又

逕沅陵縣西武溪源出武山與酉陽分山水源石上

有盤瓠跡猶存矣盤瓠者高辛氏之畜狗也其毛五

色高辛氏患犬戎之暴乃慕天下有能得犬戎之將
軍吳將軍頭者妻以少女下令之後盤瓠遂銜吳將
軍之首於闕下帝大喜未知所報女聞之以為信不
可違請行乃以配之盤瓠負妻入南山上石室中所
處嶮絕人迹不至帝悲思之遣使不得進經三年生
六男六女盤瓠死因自相夫妻織績木皮染以草實
好五色衣裁置皆有尾其母白帝賜以名山其後滋
蔓號曰蠻夷今武陵郡夷即盤瓠之種落也其狗皮

毛嫡孫世寶錄之武水南流注于沅沅水又東施水

注之水南出施山溪源有陽欺崖崖色純素望同積

雪下有二石室先有人處其間細泉輕流望川競注

故不可得以言也施水北流會于沅沅水又東逕沅

陵縣北漢故頃侯吳陽之邑也

一清按漢表陽王莽以高后元年封

改曰沅陸縣北枕沅水沅水又東逕縣故治北移縣

治之舊城置都尉府因岡傍阿勢盡川陸臨沅對酉

二川之交會也酉水導源益州巴郡臨江縣故武陵

之充縣酉原山東南流逕無陽故縣南又東逕遷陵故縣界與西鄉溪合即延江之枝津更始之下流謂之西鄉溪口酉水又東逕遷陵故城北王莽更名曰

遷陸也酉水東逕酉陽故縣南縣故酉陵也酉水又

東逕沅陵縣北又東南逕潘承明壘西承明討五溪

蠻營軍所築也其城跨山枕谷酉水又南注沅水關

駟謂之受水其水所決入名曰酉口

一清按漢志武陵郡充縣酉原

山酉水所出南至沅沅行千二百里沅水又逕竇應明城側應明以

元嘉初伐蠻所築也沅水又東溪水南出茗山山深
迴嶮人獸岨絕溪水北瀉沅川沅水又東與諸魚溪

水合水北出諸魚山山與天門郡之澧陽縣分嶺溪

水合南流會于沅沅水又東夷水入焉水南出夷山

北流注沅夷山東接壺頭山一清按章懷後漢書注
引武陵記曰此山與東

海方壺山相似神仙多
所遊集故名壺頭山也山高一百里廣圓三百里山

下水際有新息侯馬援征武溪蠻停軍處壺頭徑曲

多險其中紆折千灘援就壺頭希効早成道遇瘴毒

終没于此忠以獲謗信可悲矣劉澄之曰沅水自壺頭枝分三十三渡逕交趾龍編縣東北入海脈水尋梁乃非闕究但古人許以傳疑聊書所聞耳

又東北過臨沅縣南

臨沅縣與沅南縣分水沅南縣西有夷望山孤竦中流浮嶮四絕昔有蠻民避寇居之故謂之夷望也南有夷望溪水南出重山遠注沅沅水又東得闕下山東帶關溪瀉注沅潰沅水又東歷臨沅縣西為明月

池白壁灣灣狀半月清潭鏡澈上則風籟空傳下則

泉響不斷行者莫不擁撤嬉遊徘徊愛玩沅水又東

歷三石間甔足均跂秀若削成其側茂竹便娟致可

翫也又東帶綠蘿山顏巖臨水懸蘿釣渚漁詠幽谷

浮響若鐘

朱氏謀埤箋曰御覽引水經注云綠蘿蒙巖顏巖臨水實釣渚漁詠之勝地其送響

若鐘音信為神仙之所居

沅水又東逕平山西南臨沅水寒松上

蔭清泉下注栖託者不能自絕於其側沅水又東逕

臨沅縣南縣南臨沅水因以為名王莽更之監沅縣

也縣南有晉徵士漢壽人龔元之墓銘太元中車武
子立縣治武陵郡下本楚之黔中郡矣秦昭襄王二
十七年使司馬錯以隴蜀攻楚楚割漢北與秦至三
十年秦又取楚巫黔及江南地以為黔中郡漢高祖
二年割黔中故治為武陵郡王莽更之建平郡也南
對沅南縣後漢建武中所置也縣在沅水之陰因以
沅南為名縣治故城昔馬援討臨鄉所築也沅水又
東歷小灣謂之枉渚渚東里許便得枉人山山西帶

脩溪一百餘里茂竹便娟披溪蔭渚長川逕引遠注于沅沅水又東入龍陽縣有澹水出漢壽縣西揚山南流東折逕其縣南縣治索城即索縣之故城也漢

順帝陽嘉中改從今名關駟以為興水所出東入沅而是水又東歷諸湖方南注沅亦曰漸水也水所入之處謂之鼎口

一清按漢志武陵郡索縣漸水東入沅

沅水又東歷龍

陽縣之汜州州長二十里吳丹揚太守李衡植柑于其上臨死勅其子曰吾州里有木奴千頭不責衣食

歲絹千疋太史公曰江陵千樹橘可當封君此之謂

矣吳末衡柑成歲絹千疋今州上猶有陳根餘拊蓋

其遺也

全氏曰胡三省曰汎州乃柑州非橘州湘水篇臨湘縣之橘州乃衡所植也晏公類要曰

湘江四州橘州其一馮張舜民柳行錄橘州東對潭州以是知非汎州也汎水又東逕龍

陽縣北城臨側汎水汎水又東合壽溪內通大溪口

有木連理根各一岸而陵空交合其水上承諸湖下

注汎水

又東至長沙下雋縣西北入于江

一清按漢志牂柯郡故且蘭縣汎水東南

至益陽入江資水篇經文與班志合則此條不容有參錯且與澧水篇經文相同惟少一東字耳

沅水下注洞庭湖方會于江

浪水出武陵鍾成縣北界沅水谷

山海經曰禱過之山浪水出焉而南流注于海是也
南至鬱林潭中縣與鄰水合

水出無陽縣縣故鍾成也晉義熙中改從今名俗謂之移溪溪水南歷潭中注于浪水

又東至蒼梧猛陵縣為鬱溪又東至高要縣為大水

鬱水自鬱林之阿林縣東逕猛陵縣

全氏曰漢安志蒼梧郡猛陵縣

龍山合水所出南至布山入海而善長不志

猛陵縣在廣信之西南王莽

之猛陸也浪水於縣左合鬱溪亂流逕廣信縣地理

志曰蒼梧郡治武帝元鼎六年開王莽之新廣郡縣

曰廣信亭王氏交廣春秋

一清按虞喜志林云太康八年廣州大中正王範上

交廣二州春秋

曰元封五年交州自羸樓縣移治於此建安

十六年吳遣臨淮步騭為交州刺史將武吏四百人之交州道路不通蒼梧太守長沙吳巨擁衆五千騭

有疑于巨先使諭巨巨迎之于零陵遂得進州巨既
納薦而後有悔薦以兵少恐不存立巨有都督區景
勇略與巨同士為用薦惡之陰使人請巨巨往告景
勿詣薦薦請不已景又往乃於廳事前中庭俱斬以
首徇衆即此也鬱水又逕高要縣晉書地理志曰縣
東去郡五百里刺史夏避毒徙縣水居也縣有鵠奔
亭廣信蘇施妻始珠鬼訟于交州刺史何敞處事與
墜亭女鬼同王氏交廣春秋曰步薦殺吳巨區景使

嚴舟船合兵二萬下取南海蒼梧人衡毅錢博宿巨
部伍與軍逆隲于蒼梧高要峽口兩軍相逢於是遂

交戰毅與衆投水死者千有餘人

一清按三國志吳書呂岱傳云高涼

賊帥錢博乞降岱因承制以博為高涼西部都尉方
輿紀要高涼山在高州府東北九十里本名高梁衡
毅錢博拒步隲于高要峽口毅死博與屬亡于高梁
蓋即此山是高要峽之戰毅死而博逃其後遂降也

交廣春秋
未得其實

又東至南海番禺縣西分為二其一南入于海

鬱水分浪南注

其一又東過縣東南入于海

浪水東別逕番禺山海經謂之賁禺者也交州治中
合浦姚文式問云何以名為番禺答曰南海郡昔治
在今州城中與番禺縣連接今入城東南偏有水坑
陵城倚其上聞此縣人名之為番山縣名番禺僅謂
番山之禺也漢書所謂浮牂柯下離津同會番禺蓋
乘斯水而入越也秦并天下略定揚越置東南一尉
西北一侯開南海以謫徙民至二世時南海尉任囂

召龍川令趙他曰聞陳勝作亂豪傑叛秦吾欲起兵
阻絕新道番禺負嶮可以為國會病綿篤無人與言
故召公來告以大謀囂卒他行南海尉事則拒關門
設守以法誅秦所置吏以其黨為守自立為王高帝
定天下使陸賈就立他為南越王剖符通使至武帝
元鼎五年遣伏波將軍路博德等攻南越王五世九
十二歲而亡以其地為南海蒼梧鬱林合浦交阯九
真日南也建安中吳遣步騭為交州騭到南海見土

地形勢觀尉他舊治處負山帶海博敞渺目高則桑
土下則沃衍林麓鳥獸于何不有海怪魚鼈鼉鼉鮮
鰐珍怪異物千種萬類不可勝紀他因岡作臺北面
朝漢園基千步直峭百丈頂上三畝複道迴環逶迤
曲折朔望升拜名曰朝臺前後刺史郡守遷除新至
未嘗不乘車升履於焉逍遙隲登高遠望觀巨海之
浩茫觀原藪之殷阜乃曰斯誠海島膏腴之地宜為
都邑建安二十二年遷州番禺築立城郭綏和百越

遂用寧集交州治中姚文式問答云朝臺在州城東
北三十里裴淵廣州記曰城北有尉他墓墓後有大
岡謂之馬鞍岡秦時占氣者言南方有天子氣始皇
發民鑿破此岡地中出血今鑿處猶存以狀取目故
岡受厥稱焉王氏交廣春秋曰南越王趙他生有奉
制稱藩之節死有祕奧神密之墓他之葬也因山為
墳其壠塋可謂奢大葬積珍玩吳時遣使發掘其墓
求索棺柩鑿山破石費日損力卒無所獲他雖奢僭

慎終厥身乃令後人不知其處有似松喬遷景牧豎
固無所殘矣鄧德明南康記曰昔有盧耽仕州為治
中少棲僊術善解雲飛每夕輒陵虛歸家曉則還州
嘗於元會至朝不及朝列化為白鵠至閣前迴翔欲
下威儀以石擲之得一隻履耽驚還就列內外左右
莫不駭異時步隲為廣州意甚惡之便以狀列聞遂
至誅滅廣州記稱吳平晉滕脩為刺史脩鄉人語脩
鰓鬚長一赤脩以為虛責其人乃至東海取鰓鬚長

四赤

一清按裴松之三國志注引王氏交廣春秋一赤作一丈四赤作一丈四尺

速送示

脩脩始服謝厚為遣其一水南入者鬱川分派逕四

會入海也其一即川東別逕番禺城下漢書所謂浮

牂柯下離津同會番禺蓋乘斯水而入于越也

一清按漢

書以下與前文複蓋刪削之未盡者浪水又東逕懷化縣入于海水有

鰩魚裴淵廣州記曰鰩魚長二丈大數圍皮皆鏹物

生子子小隨母覓食驚則還入母腹吳錄地理志曰

鰩魚子朝索食暮入母腹南越志曰暮從臍入旦從

口出腹裏兩洞腸貯水以養子腸容二子兩則四馬

其餘又東至龍川為涅水

全氏曰按師古漢志注引裴氏廣州記曰龍川縣本

博羅縣之東鄉也有龍穿地而出即穴流泉因為號龍川殆即涅水也

屈北入員水浪

水枝津衍注自番禺東歷增城縣南越志曰縣多鷄

鷄鷄鷄山雞也毛色鮮明五采炫耀利距善鬪世以

家雞鬪之則可擒也又逕博羅西界龍川左思所謂

目龍川而帶坳者也趙他乘此縣而跨據南越矣員

水又東南一千五百里入南海東歷揭陽縣王莽之

南海亭而注于海也

水經注釋卷三十七

欽定四庫全書

水經注釋卷三十八

仁和趙一清撰

資水 漣水 湘水

澠水 溱水

資水出零陵都梁縣路山

資水出武陵郡無陽縣界唐紕山盖路山之別名也
謂之大谿水東北逕邵陵郡武岡縣南縣分都梁之

所置也縣左右二岡對峙重岨齊秀間可二里舊傳
後漢代五谿蠻蠻保此岡故曰武岡縣即其稱焉大
谿逕建興縣南又逕都梁山縣南漢武帝元朔五年以
封長沙定王子敬侯遂之邑也縣西有小山山上有
渟水既清且淺其中悉生蘭草綠葉紫莖芳風藻川
蘭馨馥遠俗謂蘭為都梁山因以為號縣受名焉

東北過夫夷縣

夫水出縣西南零陵縣界少延山東北流逕扶縣南

本零陵之夫夷縣也

一清按沈約志云漢舊縣至晉曰夫夷今云扶者疑是避桓溫

諱去夷夫不可為縣名故為扶云

漢武帝元朔五年以封長沙定王

子敬侯義之邑也夫水又東注邵陵水謂之邵陵浦口水也

又東北過邵陵縣之北

一清按兩漢志昭陵屬長沙孫吳始改曰邵陵此亦經文晚出

證之

縣治郡下南臨大谿水逕其北謂之邵陵水魏咸熙

二年吳寶鼎元年

一清按魏祚終于咸熙二年乃孫皓甘露元年明年改元寶鼎寶晉

武帝泰始二年也 孫皓分零陵北部立邵陵郡於邵陵縣

故昭陵也 一清按史記建元以來王子侯表武帝元朔四年封長沙定王子童為洛陵侯索隱

曰表作路陵在南陽夫長沙之子何以封于南陽括地志云即昭陵是也酈氏疑之故不著洛陵表作

洛陽今湖南寶慶府東北五里有洛陽山蓋以侯封得名即前漢之昭陵縣屬長沙國後漢析置昭陽縣

晉諱昭改曰邵陵邵陽云爾 谿水東得高平水口水出武陵郡沅

陵縣首望山西南流逕高平縣南又東入邵陵縣界

南入于邵水邵水又東會雲泉水水出零陵永昌縣

雲泉山西北流逕邵陽縣南縣故昭陽也雲泉水又

北注邵陵水謂之邵陽水口自下東北出益陽縣其
間逕流山峽名之為茱萸江蓋水變名也

又東北過益陽縣北

縣有關公瀨所謂關公灘也南對甘寧故壘昔關公
屯軍水北孫權令魯肅甘寧拒之於是水寧謂肅曰
彼聞吾咳唾之聲不敢渡也渡則成擒矣公夜聞寧
處分曰興霸聲也遂不渡茱萸江又東逕益陽縣北
又謂之資水應劭曰縣在益水之陽今無益水亦或

資水之殊目矣然此縣之左右處處有深潭漁者咸輕舟委浪謠詠相和羅君章所謂其聲綿邈者也水南十里有井數百口淺者四五赤或三五丈深者亦不測其深古老相傳昔人以杖撞地輒便成井或云古人采金沙處莫詳其實也

又東與沅水合於湖中東北入于江也

湖即洞庭湖也所入之處謂之益陽江口

漣水出連道縣西

資水之別水出邵陵縣界南逕連道縣故城在湘

鄉縣西一百六十里控引衆流合成一谿東入衡陽

湘鄉縣歷石魚山下多玄石山高八十餘丈廣十里

石色黑而理若雲母開發一重輒有魚形鱗蹙首尾

宛若刻畫長數寸魚形備足燒之作魚膏腥因以名

之漣水又逕湘鄉縣南臨漣水本屬零陵長沙定王

子昌邑一清按漢表哀帝建平四年封長沙王子昌

為湘鄉侯無定字又長沙定王傳元帝初元三年復立旦弟宗是曰孝王五年薨子魯人嗣王莽時絕哀平之世王乃魯人也昌是魯人之子諸侯王

表魯人以元帝永光二年嗣
四十八年薨謚曰繆繆誤

漣水又屈逕其縣東而

入湘南縣也

東北過湘南縣南又東北至臨湘縣西南東入于湘

漣水自湘南縣東流至衡陽湘西縣界入于湘水也
於臨湘縣為西南者矣

湘水出零陵始安縣陽海山

即陽朔山也應劭曰湘出零山蓋山之殊名也山在

始安縣北縣故零陵之南部也魏咸熙二年孫皓之

甘露元年

全氏曰七
字注中注

立始安郡湘灘同源分為二水

南為灘水北則湘川

一清按善長此言
非是詳見灘水篇

東北流羅君

章湘中記曰湘水之出於陽朔則觴為之舟至洞庭
日月若出入於其中也

東北過零陵縣東

越城嶠水南出越城之嶠嶠即五嶺之西嶺也秦置

五嶺之戍是其一焉北至零陵縣下注湘水湘水又

逕零陵縣南又東北逕觀陽縣與觀水合水出臨賀

郡之謝沔縣界西北逕觀陽縣西縣蓋即水為名也

又西北流注于湘川謂之觀口也

又東北過沔陽縣東

一清按漢志注如淳曰沔音韜

沔水出縣西南大山東北逕其縣南即沔水以立稱

矣漢武帝元朔五年封長沙定王子靖侯狗彘朱氏

箋曰按索隱曰表作將燕一清按今本漢書將字作狩為侯國王莽更名之曰

沔治也其水東流注于湘水

又東北過泉陵縣西

營水出營陽冷道縣南留山

沈氏曰當作營山

西流逕九疑

山下磐基蒼梧之野峰秀數郡之間羅巖九舉各導

一谿岫壑負岨異嶺同勢遊者疑焉故曰九疑山大

舜定其陽商均葬其陰

全氏曰按胡三省曰太史公云舜南狩崩于蒼梧歸葬于

江南九疑則蒼梧九疑兩地也合而言之者誤也

山南有舜廟前有石碑文

字缺落不可復識自廟仰山極高直上可百餘里古

老相傳言未有登其峰者山之東北冷道縣界又有

舜廟縣南有舜碑碑是零陵太守徐儉立營水又西

逕營道縣馮水注之水出臨賀郡馮乘縣東北馮岡
其水導源馮谿西北流縣以託名焉馮水帶約衆流
渾成一川謂之北渚歷縣北西至關下關下地名也
是商舟改裝之始馮水又左合萌渚之水水南出于
萌渚之嶠五嶺之第四嶺也其山多錫亦謂之錫方
矣渚水北逕馮乘縣西而北注馮水馮水又逕營道
縣而右會營水營水又西北屈而逕營道縣西王莽
之九疑亭也營水又東北逕營浦縣南營陽郡治也

魏咸熙二年吳孫皓分零陵置在營水之陽故以名
郡矣營水又北都谿水注之水出舂陵縣北二十里
仰山南逕其縣西縣本冷道縣之舂陵鄉蓋因舂谿
為名矣漢長沙定王分以為縣武帝元朔五年封王
中子買為舂陵節侯縣故城東又有一城東西相對
各方百步古老相傳言漢家舊城漢稱猶存知是節
侯故邑也城東角有一碑文字缺落不可復識東南
三十里尚有節侯廟都谿水又南逕新寧縣東縣東

傍都谿谿水又西逕縣南左與五谿俱會縣有五山

山有一谿五水會于谿門

朱氏謀埠箋曰初學記引此注作會于縣門

故

曰都谿也都谿水自縣又西北流逕泠道縣北與泠

水合水南出九疑山

一清按應劭以此泠水為出丹陽宛陵縣西北入江而臣瓚非

之師古曰瓚說是泠水見說文即漢志宛陵縣下之清水今謂之清弋江豈可以泠谿目之乎仲瑗誠誤

矣北流逕其縣西南縣指泠谿以即名王莽之泠陵

縣也泠水又北流注于都谿水又西北入于營水營

水又北流注于營陽峽又北至觀陽縣而出於峽矣

大小二峽之間為沿沂之極艱矣營水又西北逕泉陵縣西漢武帝元朔五年以封長沙定王子節侯賢之邑也王莽名之曰溥潤零陵郡治故楚矣漢武帝元鼎六年分桂陽置太史公曰舜葬九疑實惟零陵或作零郡全氏曰四字注中注郡取名焉王莽之九疑郡也下邳陳球為零陵太守桂陽賊胡蘭攻零陵激流灌城球輒於內因地勢反決水淹賊相拒不能下縣有白土鄉零陵先賢傳曰鄭產字景載泉陵人也為白土

晉夫漢末多事國用不足產子一歲輒出口錢民多
不舉子產乃勅民勿得殺子口錢當自代出產言其
郡縣為表上言錢得除更名白土為更生鄉也晉書
地道志曰縣有香茅氣甚芬香言貢之以縮酒也營
水又北流注于湘水湘水又東北與應水合水出邵
陵縣歷山岨澄嶮峻岨崿萬尋澄淵湛于下應水湧
于上東南流逕應陽縣南晉分觀陽縣立蓋即應水
為名也應水又東南流逕有鼻墟南王隱曰應陽縣

本泉陵之北部東五里有鼻墟言象所封也山下有
象廟言甚有靈能興雲雨余所聞也聖人之神曰靈
賢人之精氣為鬼象生不患死靈何寄乎應水又東
南流而注于湘水湘水又東北得沱口水出永昌縣
北羅山東南流逕石鷺山東其山有石紺而狀鷺因
以名山其石或大或小若母子焉及其雷風相薄則
石鷺羣飛頡頏如真鷺矣羅君章云今鷺不必復飛
也其水又東南逕永昌縣南又東流注于湘水又東

北逕祁陽縣南又有餘谿水注之水出西北邵陵郡
邵陵縣東南流注于湘其水揚清汎濁水色兩分湘
水又北與宜谿水合水出湘東郡之新寧縣西南新
平故縣東新寧故新平也衆川瀉浪共成一津西北
流東岸山下有龍穴宜水逕其下天旱則擁水注之
便有雨降宜水又西北注于湘湘水又西北得春水
口水上承營陽春陵縣西北潭山

一清按此是吳復
立之春陵縣晉志

曰春陽屬零陵郡宋志
曰春陵令屬營陽太守

又北逕新寧縣東又西北流

注于湘水也

一清按漢志桂陽郡來陽縣舂山舂水之所出北至鄴入湖過郡二行七百八

里十

又東北過重安縣東又東北過鄴縣西承水從東南來
注之

承水出衡陽重安縣西邵陵縣界邪薑山東北流至
重安縣逕舜廟下廟在承水之陰又東合略塘相傳

云此塘中有銅神今猶時聞銅聲於水水輒變淥作
銅腥魚為之死

一清按名勝志引此注作飛養魚經曰魚滿三百六十則龍為之長而引

飛出水內籠則魚不復去則魚飛誠亦有之 承水又東北逕重安縣南漢

長沙頃王子度邑也故零陵之鍾武縣王莽更名曰

鍾桓也武水入焉水出鍾武縣西南表山東流至鍾

武縣故城南而東北流至重安縣注于承水

一清按下有缺

文至湘東臨承縣北東注于湘謂之承口臨承即故

郵縣也縣即湘東郡治也郡舊治在湘水東故以名

郡魏正元二年吳主孫亮分長沙東部立縣有石鼓

高六赤湘水所逕鼓鳴則土有兵革之事羅君章云

扣之聲聞數十里此鼓今無復聲觀陽縣東有裴巖
其下有石鼓形如覆船扣之清響遠徹其類也湘水
又北歷印石石在衡山縣南湘水右側有磐石或大
或小臨水石悉有跡其方如印纍然行列無文字如
此可二里許因名為印石也湘水又北逕衡山縣東
山在西南有三峰一名紫蓋一名容峰一清按胡渭曰此處有脫
誤盛弘之荊州記云衡山有三峰一名紫容峰最為
蓋一名石圀一名芙蓉注少石圀一句
竦傑自遠望之蒼蒼隱天故羅含云望若陣雲非清

霽素朝不見其峰丹水湧其左澧泉流其右山經謂
之响嶠山為南嶽也山下有舜廟南有祝融冢楚靈
王之世山崩毀其墳得營丘九頭圖禹治洪水用白
馬祭山得金簡玉字之書容峰之東有仙人石室學
者經過往往聞諷誦之音矣衡山東南二面臨映湘
川自長沙至此沿湘七百里中有九向九背故漁者
歌曰帆隨湘轉望衡九面山上有飛泉下注下映青
林直注山下望之若幅練在山矣湘水又東北逕湘

南縣東又歷湘西縣南分湘南置也衡陽郡治魏正

元二年吳孫亮分長沙西部立治湘南一清按魏正元二年吳五

鳳二年也吳書孫亮傳郡以太晉太守何承天徙治

湘西矣十三州志曰日華水出桂陽郴縣日華山西

至湘南縣入湘地理志曰郴縣有耒水出耒山西至

湘南入湘湘水又北逕麓山東其山東臨湘川西傍

原墜息心之士多所萃焉

又東北過陰山縣西涑水從東南來注之又北過澧陵

縣西澗水從東南來注之

續漢書五行志曰建安八年長沙醴陵縣有大山常鳴如牛响聲積數年後豫章賊攻沒縣亭殺掠吏民因以為侯湘水又北逕建寧縣西傍湘水縣北有空

冷峽

一清按方輿紀要引此文作空靈峽張舜氏柳行錄同寰宇記作空舸峽

驚浪雷奔

澹同三峡湘水又北逕建寧縣故城下晉太始中立又北過臨湘縣西瀏水從縣西北流注之

縣南有石潭山湘水逕其西山有石室石牀臨對清

流湘水又北逕昭山西山下有旋泉深不可測故言

昭潭無底也亦謂之曰湘州潭湘水又北逕南津城

西西對橘州

全氏曰此即胡三省所指之橘州

或作吉字

全氏曰四字注中注

何氏曰周子充云橘訣律切吉激質切本作兩音北人混而一之故酈道元水經注云橘州或作吉字一

清按吳音亦呼為吉子不惟此也

為南津州尾

水西有橘州子戍故

郭尚存湘水又北左會瓦官水口湘浦也又逕船官

西湘州商舟之所次也北對長沙郡郡在水東州城

南舊治在城中後乃移此湘水左逕麓山東上有故

城山北有白露水口湘浦也又右逕臨湘縣故城西

縣治湘水濱臨川側故即名焉王莽改號撫陸故楚

南境之地也秦滅楚立長沙郡即青陽之地也秦始

皇二十六年荆王獻青陽以西

全氏曰按此乃二十六年詔書中語其時

荆亡已三年矣

漢書鄒陽傳越水長沙還舟青陽注張晏曰

青陽地名也蘇林曰青陽長沙縣也漢高祖五年以

封吳芮為長沙王是城即芮築也漢景帝二年封唐

姬子發為王都此王莽之鎮蠻郡也於禹貢則荊州

之域晉懷帝以永嘉元年分荊州湘中諸郡立湘州
治此城之內郡廨西有陶侃廟云舊是賈誼宅地中
有一井是誼所鑿極小而深上斂下大其狀似壺傍
有一腳石牀纔容一人坐形流俗相承云誼宿所坐
牀又有大柑樹亦云誼所植也城之西北有故市北
對臨湘縣之新治縣治西北有北津城縣北有吳芮
冢廣踰六十八丈登臨寫目為屢郭之佳憩也郭頌
世語云魏黃初末吳人發芮冢取木於縣立孫堅廟

見芮尸容貌衣服並如故吳平後預發冢人於壽春
見南蠻校尉吳綱曰君形貌何類長沙王吳芮乎但
君微短耳綱瞿然曰是先祖也自芮卒至冢發四百
年至見綱又四十餘年矣湘水左合誓口又北得石
榔口並湘浦也右合麻溪水口湘浦也湘水又北逕
三石山東山枕側湘川北即三石水口也湘浦也水
北有三石戍戍城為二水之會也湘水又逕瀏口戍
西北對瀏水

又北瀉水從西南來注之

瀉水出益陽縣馬頭山東逕新陽縣南晉太康元年
改曰新康矣瀉水又東入臨湘縣歷瀉口戍東南注
湘水湘水又北合斷口又北則下營口湘浦也湘水
左岸有高口水出益陽縣西北逕高口戍南又西北
上鼻水自鼻州上口首受湘西入焉謂之上鼻浦高
水西北與下鼻浦合水自鼻州下口首受湘川西通
高水謂之下鼻口高水又西北右屈為陵子潭東北

流注湘為陵子口湘水自高口戍東又北右會鼻州
左合上鼻口又北右對下鼻口又北得陵子口湘水
右岸銅官浦出焉湘水又北逕銅官山西臨湘水山
土紫色內含雲母故亦謂之雲母山也

又北過羅縣西澗水從東來流注之

湘水又北逕錫口戍東又北左派謂之錫水西北流
逕錫口戍北又西北流屈而東北注玉池水出西
北玉池東南流注于錫浦謂之玉池口錫水又東北

東湖水注之水上承玉池之東湖也南流注于錫謂之三錫逕水南有三戍又東北注于湘湘水自錫口北出又得望屯浦湘浦也湘水又北枝津北出謂之門逕也湘水紆流西北東北合門水謂之門逕口又北得三谿水口水東承太湖西通湘浦三水之會故得三谿之目耳又北東會大對水口西接三津逕湘水又北逕黃陵亭西右合黃陵水口其水上承太湖湖水西流逕二妃廟南世謂之黃陵廟也言大舜之

陟方也二妃從征溺於湘江神遊洞庭之淵出入瀟

湘之浦瀟者水清深也

一清按說文瀟水名从水蕭聲相邀切又瀟水清深从水

肅聲子叔切則瀟是水名故朱子以當洞庭九江之一今注以瀟為水清深蓋誤讀說文也又按山海經

曰洞庭之山帝之二女居之是常遊于江淵禮沅之風交于瀟湘之浦是在九江之間出入必以飄風暴

雨楚地記因之云巴陵瀟湘之淵在九江之間道元既本山海經以立文而刪去在九江之間一語殆不

以洞庭為九江也江水注指東陵在廬江亦同此旨湘中記曰湘川清照五六

丈下見底石如擣蒲矢五色鮮明白沙如霜雪赤崖

若朝霞是納瀟湘之名矣故民為立祠於水側焉荆

州牧劉表刊石立碑樹之於廟以旌不朽之傳矣黃
水又西流入于湘謂之黃陵口昔王子山有異才年
二十而得惡夢作夢賦二十一溺死于湘浦即斯川
矣湘水又北逕白沙戍西又北右會東町口澗水也
湘水又左合決湖口水出西陂東通湘渚湘水又北
汨水注之水東出豫章艾縣桓山西南逕吳昌縣北
與純水合水源出其縣東南純山西北流又東逕其
縣南又北逕其縣故城下縣是吳主孫權立純水又

右會汨水汨水又西逕羅縣北本羅子國也故在襄陽宜城縣西楚文王移之於此秦立長沙郡因以為縣謂之羅水汨水又西逕玉筍山羅合湘中記曰屈

潭之左有玉筍山道士遺言此福地也一曰地脚山

汨水又西為屈潭即汨羅淵也屈原懷沙自沈于此

故淵潭以屈為名

一清按說文長沙汨羅淵屈原所沈之水从水冥省聲莫狄切昔

賈誼史遷皆嘗逕此弭楫江波投弔於淵淵北有屈

原廟廟前有碑又有漢南

一清按南下疑落郡字

太守程堅碑

寄在原廟汨水又西逕汨羅戍南西流注于湘春秋
之羅汨矣世謂之汨羅口湘水又北枝分北出逕汨
羅戍西又北逕壘石山東又北逕壘石戍西謂之苟
導逕矣而北合湘水自汨羅口西北逕壘石山西而
北對青草湖亦或謂之青草山也西對懸城口湘水
又北得九口並湘浦也湘水又東北為青草湖口右
會苟導逕北口與勞口合又北得同拌口皆湘浦右
逸者也

又北過下雋縣西微水從東來流注之

湘水左會清水口資水也世謂之益陽江湘水左逕鹿角山東右逕謹亭戍西又北合查浦又北得萬浦咸湘浦也側湘浦北有萬石戍湘水左則沅水注之謂之橫房口東對微湖世或謂之麋湖也右屬微水即經所謂微水逕下雋者也西流注于江謂之麋湖口也湘水又北逕金浦戍北帶金浦水湖澁也湘水左則澧水注之世謂之武陵江凡此四水同注洞庭

北會大江名之五渚戰國策曰秦與荆戰大破之取
洞庭五渚也湖水廣圓五百餘里日月若出沒于其
中山海經曰洞庭之山帝之二女居焉沅澧之風交
瀟湘之浦出入多飄風暴雨湖中有君山編山君山
有石穴潛通吳之包山郭景純所謂巴陵地道者也
是山湘君之所遊處故曰君山矣昔秦始皇遭風於
此而問其故博士曰湘君出入則多風秦皇乃赭其
山漢武帝亦登之射蛟於是山東北對編山山多麓

竹兩山相次去數十里迴峙相望孤影若浮湖之右岸有山世謂之笛烏頭石石北右會翁湖口水上承翁湖左合洞浦所謂三苗之國左洞庭者也

又北至巴丘山入于江

山在湘水右岸

一清按巴丘山宋人以為禹貢之東陵曾彥和曰巴陵與夷陵相為東西

夷陵亦曰西陵則巴陵為東陵可知又曰沅浙无辰飲酉湘資醴水皆合洞庭中東入于江是為九江尊江云過九江至于東陵今之巴陵巴陵之上即洞庭也因九江所合遂名九江水經九江在長沙下雋縣西北楚地記云巴陵瀟湘之澗在九江之間是也鼎以道云洞庭九江也胡渭曰以洞庭為九江始于宋

初胡旦而晁曾從之朱子故主其說而力辨尋陽九
江之非然去無澧二水而易以滿蒸則意有未安澧
水實會南江以東注洞庭安得而不數之蓋後人訛
死為元朱子故以為無是水而為之更定不若曾攷
之說為得其實全祖望曰顧景范以宋人洞庭九江
謂本許叔重語大繆叔重何曾有此說乃曾攷之書
曰東陵巴陵也許慎曰迤邪行也今江水過洞庭至
巴陵西東北邪行以合彭蠡彥和所引許氏祇邪行
一語而顧氏牽連并下文以為皆叔重語魯氏之書
今不傳猶幸其引入夏僕書解中胡氏亦引入通鑑
注中不然殆難考矣王厚齋云張守節史記正義以
巴陵為東陵曾攷蓋本于此益可知許慎無此言矣
孔穎達正義曰九江禹前先有其處禹導水過之非
別有九江之水其言最為清覈然既名為九則亦必
有其流派故曾晁之說自可從非若尋陽記緣江圖
造作烏白嘉靡等名色遂謂之禹迹所可比也胡渭

又曰周禮荊州無九江蓋已包在藪澤雲夢之中矣
然自是九江之名不著故或稱江南之夢或稱洞庭
五渚或又稱巴丘湖後世既不知洞庭為九江見尋
陽江中多沙水相間處遂指其九派為九江而導山
導江之文義皆可通矣太史公不敢言山海經然其
中亦有可信者如謂澧沅瀟湘在江之間賴此一語
猶可推尋其有造于禹貢不小也正義又曰鄭玄以
此經言過言會者皆是水名言至于者或山或澤故
以澧為陵名孔以為水名今按易祓曰澧陵是小山
因水而得名者據此適與東陵之文相對鄭義較孔
為長于是始無礙于澧為九江之一之說也方輿紀
要許慎曰九江沅漸瀕辰酉澧澧瀆湘也漸水在常
德府武陵縣合于沅瀕水在沅州城西亦入沅江辰
水在辰州府辰陵城東入沅酉水亦在沅陵城西入
沅府澧水在辰州府淑浦縣西北流入沅惟澧水出岳
州府澧州慈利縣西三十里之歷山東逕華容縣南

而入洞庭湖然則所云九江者惟四江達于洞庭耳
余于壬寅春夏之交言涉長沙過岳州登樓遠眺惟
見湖水渺瀰不知紀極湘水東匯下瀉江流正直下
雋之西北禹貢記水不應遺此鉅浸信乎非洞庭不
足以當九江之名也然漢時自有九江在尋陽史記
龜筮傳云神龜出于江淮之間嘉林之中鄴道元以
淮即灌決水注云決水又西北灌水注之其水導源
金蘭西北東陵鄉大蘇山即淮水也許慎曰出雩婁
縣俗謂之澮水也褚先生去古未遠必有師承而又
因禹貢荊州九江納錫大龜之文遂實其說然尋陽
地屬揚州何以闌入荆域神龜出江灌乃洞庭不聞
有此後人欲據此以釋經恐于經義全不合也故尋
陽之九江以之言漢志則可欲以之解禹貢則非矣
禹貢導水于導漾下云東匯澤為彭蠡此湖漢九水
漢儒之所謂九江也導河下云又東至于澧過九江
至於東陵東迤北會于滙滙即東匯澤為彭蠡之滙

書法互見則九江在其上游是非以洞庭當之不可
荆揚二域水道叙次分明彼徒執漢志以疑禹貢紛
紛臆說誠何必然山有巴陵故城本吳之巴邱邱閭城也晉

太康元年立巴陵縣於此後置建昌郡宋元嘉十六
年立巴陵郡城跨岡嶺濱岨三江巴陵西對長州其
州南廢湘浦北屆大江故曰三江也三水所會亦或
謂之三江口矣夾山列闕謂之射獵又北對養口咸
湘浦也水色青黑東北入于大江有清濁之別謂之
江會也

灑水亦出陽海山

灑水與湘水出一山而分源也湘灑之間陸地廣百餘步謂之始安嶠嶠即越城嶠也嶠水自嶠之陽南流注灑名曰始安水故庾仲初之賦揚都云判五嶺而分流者也灑水又南與瀉水合水出西北邵陵縣界而東南流至零陵縣西南逕越城西建安十六年交州刺史賴恭自廣信合兵小零陵越城迎步騭即是地也瀉水又東南流注于灑水漢書所謂出零陵

下灘水者也。灘水又南合彈丸谿，水出于彈丸山，山有湧泉奔流衝激，山堪及谿中有石若丸，自然珠圓狀彈丸矣。故山水即名馬驗，其山有石竇下深數丈，洞穴深遠，莫究其極。溪水東流注于灘水，灘水又南逕始興縣南。魏元帝咸熙二年，吳孫皓分零陵南部

立始興縣。

一清按三國志吳書孫皓傳甘露元年以零陵南部為始安郡，桂陽南部為始興郡。

宋書州郡志：廣興公相孫皓分桂陽南部都尉立為始興郡，領始興令。今注云：蓋誤記也。且事在甘露

元年十一月是為晉武帝泰始元年去魏咸熙二年差一歲。灘水又南右會洛溪。

溪水出永豐縣西北洛溪山東流逕其縣北縣本蒼
梧之北鄉孫皓割以為縣洛溪水又東南逕始安縣
而東注灘水灘水又東南流入熙平縣逕羊瀨山
臨灘水石間有色類羊又東南逕雞瀨山山帶灘水
石色狀雞故二山以物象受名矣灘水又南得熙平
水口水源出縣東龍山西南流逕其縣南又西與北
鄉谿水合水出縣東北北鄉山西流逕其縣北又西
流南轉逕其縣西縣本始安之扶鄉也孫皓割以為

縣谿水又南注熙平水熙平水又西注于灘水縣南
有朝夕塘水出西南有水從山下注塘一日再增再
減盈縮以時未嘗愆期同於潮水因名此塘為朝夕
塘矣灘水又西逕平樂縣界左合平樂谿口水出臨
賀郡之謝沫縣南歷山西北流逕謝沫縣西南西南
流至平樂縣東南左會謝沫衆谿派流湊合西逕平
樂縣南孫皓割蒼梧之境立以為縣北隸始安谿水
又西南流注於灘水謂之平樂水

南過蒼梧荔浦縣

瀨水出縣西北魯山之東逕其縣西與濡水合水出

永豐縣西北濡山東南逕其縣西又東南流入于荔

浦縣注于瀨溪又注于灘水灘水之上有關一清按方輿紀

要引注云灘水南逕都利山今本無之灘水又南左合靈谿水口水出

臨賀富川縣北符靈岡南流逕其縣東又南注于灘

水也全氏曰灘水一名融水乃牂柯江之下流分鬱水脈水諸川入于交州復至中國歷三十六灘

而為灘水本無關於湘水其引湘水而通之灘者秦史祿運漕之故水經不知以為湘灘同源此大繆也

范成大桂海虞衡志曰湘水源出陽海山而灘水乃
猗柯江下流南下興安地勢高二水遠不相謀史祿
始作靈渠派湘之流而注之灘使北水南合然則灘
水不出陽海其自陽海導湘水使合灘水者皆史祿
之力也善長于湘灘二篇皆言之不詳亦大疏漏也
又曰范云作靈渠之法于湘流沙磧中壘石作鑿齒
銳其前逆分湘流為兩激之六十里行渠中以石灘
江與俱南渠繞興安界深不數尺廣大餘六十里置
斗門三十六土人但謂之斗舟入一斗則復開斗伺
水積漸進故能循崖而上建瓴而下千斛之舟亦可
往來治水巧妙無如此渠零渠通鑑作濇渠即注所
謂靈溪也又曰按柳開曰湘漓二水之名書記皆無
說淳化元年開自全州移知桂州沂湘水抵分水嶺
下復溯漓水知二水至嶺方分所謂相離者也而乃
北水曰湘南水曰漓疑其不當為此漓字當以離傍
加水作此灘字又字書古無此灘字酌其理增而今

以為字焉仲塗之言頗為鶴突蓋不識水道而妄生
異議者也一清按此事見漢書嚴助傳云長老言秦
之時嘗使尉屠睢擊越又使監祿鑿渠通道張晏曰
監郡御史也名祿又嚴安傳云使尉屠睢將樓船之
士攻越使監祿鑿渠運糧渠即靈渠也寰宇記云秦
鑿渠在興安縣南二十里本灘水自拓山之陰西北
流至縣西南合零渠五里始分為二水昔秦命御史
監祿自零陵鑿至桂林故漢歸義越侯嚴為戈船將
軍出零陵下灘水即此郡國志後漢伏波將軍馬援
開湘水為渠六十里穿度南城今城南流者是因秦
舊瀆耳至唐寶厓初渠道崩壞舟楫不通觀察使李
渤遂置石造堤如鐸背劈分二水每水制石斗門一
使制之在人間閉開灘水則全入于桂江擁桂江則
盡歸于湘水又于湘水鑿分水渠三十五步以便行
舟據此則秦渠與零渠為二石湖云激湘
入灘永言云開灘入湘二家言稍有不同

又南至廣信縣入于鬱水

溱水出桂陽臨武縣南繞城西北屈東流

溱水導源縣西南北流逕縣西而北與武谿合山海
經曰肄水出臨武西南注于海入番禺西肄水蓋溱
水之別名也武谿水出臨武縣西北桐栢山東南流
右合溱水亂流東南逕臨武縣西謂之武谿縣側臨
谿東因曰臨武縣王莽更名大武也谿水東南流左
會黃岑谿水水出郴縣黃岑山西南流右合武谿武

水又南入重山山名藍豪廣圓五百里悉曲江縣界
崖壁峻岨巖嶺千天交柯雲蔚靈天晦景謂之瀧中
懸湍迴注崩浪震山名之瀧水

東至曲江縣安甯邑東屈西南流

瀧水又南出峽謂之瀧口西岸有任將軍城南海都
尉任囂所築也囂死尉他自龍川始居之東岸有任
將軍廟瀧水又南合泠水水東出泠君山山羣峰之
孤秀也晉太元十八年崩十餘丈於是懸澗瀑挂傾

流注壑頽波所入灌于瀧水瀧水右合林水水出縣
東北洹山王歆之始興記曰林水源裏有石室室前
磐石上行羅十窻中悉是銀餅采伐過之不得取取
必迷悶晉太元初民封驅之家僕宓竊三餅歸發看
有大蛇螫之而死湘州記曰其夜驅之夢神語曰君
奴不謹盜銀三餅即日顯戮以銀相償覺視則奴死
銀在矣林水自源西流注于瀧水又與雲水合水出
縣北湯泉泉源沸湧浩氣雲浮以腥物投之俄傾即

熟其中時有細赤魚遊之不為灼也西北合瀧水又有藉水上承滄海水有島嶼焉其水吐納衆流西北注于瀧水瀧水又南歷靈鷲山山本名虎羣山亦曰虎市山以虎多暴故也晉義熙中沙門釋僧律葺宇巖阿猛虎迹蓋律仁感所致因改曰靈鷲山瀧水

又南逕曲江縣東又言縣昔號曲紅曲紅山名也東

連岡是矣瀧中有碑文曰

一清按瀧中碑是漢桂陽太守周府君功勳銘也其

文曰桂陽太守周府君者徐州下邳人也諱憬字君光體性博仁天姿篤厚行典閨門名闕州里舉孝廉

拜尚書侍郎避汝南固始相遂拜桂陽廼宣魯衛之
政較二南之澤政以德絃化猶風騰撫集烝細闕綏
有方進則貞直退則錯枉崇舉濟濟吉土杜充朝招
訓闕蒙開誘六蔽君子道長小人道消信感神祇靈
瑞符闕嘉釅生於壑奇草像茝莆異根之樹超然連
理於此開時邦域惟寧郡又典宇與南海接比商旅所
臻自瀑亭至罟曲紅壹由此水其水源也出於王禽
之山山蓋隆字綱三弓天泉聲沸踊發射其顛分汜離
散為十二川彌陵階阻丘阜錯連隅陬塵藹末由駟
馬爾乃貫山鑽石經綱四揚爭怒浮沈潛伏虵龍蝘
屈澧隆鬱浥千渠萬澮合聚谿澗下迄安鼎六龍作
難滿瀨洿洿注云潺湲雖詩稱百川沸騰高岍為谷
深谷為陵蓋莫若斯天軌所經惡得已改其下注也
若奔車失轡狂牛無縻闕勿流忽臚睦不相知及其
上也則羣輩相隨擅挖提闕唱號慷慨沈深不前其
成敗也非徒喪寶玩傾珍奇替珠貝汩象犀也往古

來今變甚終矣於是府君乃思夏后之遺訓闕應龍
之畫傷行旅之悲窮哀向人困危感蜀守冰殄絕犂
雖嘉夫昧淵永用夷易迺命良吏將帥壯夫排積勝
石投之寥_二高填下鑿截回曲彌水之邪性順導
其經脉斷_二溢之電波弱陽侯之凶涌由是小猥乃
平直大道允通利抱布貿絲交易面至升涉周旋功
萬於前除昔_二樹舉於茲雖非龍門之鴻_二績亦
人君之德宗故_二胎_二人嘆於水渚行旅語於涂陸孔
子曰禹不決江_二河吾其魚矣於是熹平三年歲在
攝提仲冬之月曲_二長零陵重安區社字景賢遵承
典憲宣揚德訓帥禮不越欽仰高山乃與邑子故吏
龔臺郭蒼龔雄等命工擊石建碑于瀧上勒銘公功
傳之萬卉垂示無窮其辭曰乾_二剖_二建_二兩儀剛柔
分_二有_二險_二夷_二咨_二中_二巒_二兮_二穆_二崔_二嵬_二嘆_二衡_二林_二兮_二獨_二傾_二虧_二增
陵_二隋_二兮_二甚_二隘_二倚_二鮪_二莫_二涉_二兮_二禹_二不_二規_二仰_二王_二禽_二兮_二又_二垂_二峴
俯_二龍_二洲_二兮_二怛_二以_二悲_二岸_二參_二天_二兮_二無_二路_二後_二石_二縱_二橫_二兮_二汜_二洄

回波隆隆兮聲若雷或抱貨兮以從利或追思兮有
赴義汜自揖兮有不避關躬軀兮於元池委性命兮

於芒編惜寒慄兮不皇計忽隨汜兮殆忘歸懿賢后
兮發噩字聖英閑不通兮治斯谿魔臣石兮以湮填開

切促兮導曲機摧六瀧兮弱開律開律本開律開律本開律開律今散其波威
怒定兮混滿滿息聊啾兮逝開律開律本開律開律今蛟龍滅睦

老唱兮臚人歌名冠卉兮起踰倫今稱闕兮耀汜沙
功斐斐兮鏡海喬君兮君壽不訾周府君間瀧有功

嶺表善長不應無隻語贊揚之注文瀧中有碑文曰
下接按地理志云云似有脫誤今從隸釋采錄此碑

而訛缺太甚又據廣東通志略為補正彼所遺佚不
可復考矣此碑名下闕字是高字迺宣魯銜之政迺

字是字字屬上讀悉細下闕字是振字招訓闕蒙為
招賢訓蒙闕文在訓字上靈瑞符下闕字是應字於

此下闕是之字山蓋隆下闕字是崇峻極三字泉聲
沸踊是涌字經下闕字是營滿吟激四字於文為經

營滿吟激揚爭怒惡得已改其下注也已字下有哉
字改字是故字恐非惡得已改言無他道也檀柁提
闕是檀挽提搗其成敗也成字是或字應龍之畫畫
字作變化二字零下闕字是窟夷二字於文為投之
寥壑夷高填下避下闕字是沈字閉不通今閉或作
閔弱下闕字是其勢遏泌汨五字睦老唱兮老或作
夫稱下闕字是揚字餘見諸跋語中附載于篇次集
古錄曰桂陽周府君碑按韶州圖經云後漢桂陽太
守周府君廟在樂昌縣西一百一十八里武漢上武
溪驚湍激石流數百里昔馬援南征其門人轅寄生
善吹笛援為作歌和之名曰武漢深其辭曰滔滔武
溪一何深鳥飛不渡獸不能臨嗟哉武漢何毒淫周
府君開此溪下合湏水挂陽人便之為立廟刻石武
水源出郴州臨武縣鷓鴣石南流三百里入桂陽而
桂陽挂水湏水梨溪盧溪曹溪諸水皆與武水合流
其俗謂水湏浚為瀧韓退之詩云南下樂昌瀧即此

水也又復本跋尾云國子監直講劉仲章者為余言
前為樂昌令因道府君事云名憬問何以見之云碑
刻雖缺尚有識也乃以此碑并陰遺余余初以韓集
云昌樂瀧疑其誤乃改從樂昌仲章曰不然縣名樂
昌而瀧名昌樂其舊俗所傳如是韓集不誤也乃知
古人傳疑而慎于更改者如此魯氏鞏南豐集曰熙
寧八年余從知韶州王之材求得此本之材又以書
來按曲江縣圖經周府君名昕字君光其碑陰曲江
字皆作曲紅而蒼江江夏字亦作紅蓋古字通用不
可不知劉氏昌詩蘆浦筆記曰漢周府君碑六一先
生凡三四百字跋最後方辨其名憬蔣穎叔作武漢
深乃謂名煜且押之韻蓋石古剝落以其形似求合
于君光之字故云爾曾南豐顧云從知韶州王之材
得此碑書來曰按曲江縣圖紅名昕則并其形似而
不辨何至遽信而以六一為未詳攷耶金石錄曰周
府君碑陰題名凡三十一之姓氏具存鄺道元水經

注瀧水南逕曲江縣東縣昔號曲紅曲紅山名也而東西兩漢史皆作曲江今據此碑自縣長區社而下凡十七人皆書為曲紅則是當時縣名曲紅無可疑者不知兩漢皆作曲江何也隸釋曰右神漢挂陽太守周府君功勳之紀銘隸額周府君名憬自固始相為挂陽守碑云嘉平三年歲在攝提仲冬之月曲紅長區社與邑子故吏建碑于瀧上蓋靈帝甲寅年也茲水發源王禽山千渠萬澮下湊六瀧舟揖過之若奔車失轡狂牛無縻喪寶玩流象犀積有日矣周府君思夏后龍門之績感李水離堆之事排治湍梗人得利涉故紀其功勳銘辭全逼騷雅有瓠子歌遺意韓退之詩云南下昌樂瀧險惡不可狀者即謂此也樂史寰宇記云瀧上有太守周昕廟今碑在韶州張九齡廟中其名尚隱隱可辨蓋憬字也碑以壅藹為壅藹犁難為犁堆小後路後皆為蹊又曰周憬碑陰宰曲紅者一人貫曲紅者十六人熊君碑亦同兩漢

皆作曲江諸家地理書皆云水流屈曲故曰曲江唯水經云縣昔號曲江紅山之名也前書工女大功皆只同用紅字未知水經何所據也盤洲之言本于南豐寰宇記梓州射洪縣下引李膺記云婁樓灘東有射江土人語訛以江為洪則知曲江之為曲紅亦是音同之故熊君碑是漢綏民校尉熊君也碑云除補桂陽曲紅長故洪氏按地理志曲江舊縣也王莽以為引以為證佐爾

除虜始興郡治魏元帝咸熙二年孫皓分桂陽南部

立一清按吳書事在甘露元年是晉武帝泰始元年去魏咸熙二年差一歲縣東傍瀧谿

號曰北瀧水水左即東谿口也水出始興東江州南康縣界石閣山西流而與漣水合水出南康縣涼熱

山漣谿山即大庾嶺也五嶺之最東矣故曰東嶠山

斯則改裝之次其下船路名漣谿漣水南流注于東

谿謂之漣口庾仲初謂之大庾嶠水也東谿亦名東

江又曰始興水又西邪階水注之水出縣東南邪階

山水有別源曰巢頭重嶺衿瀧湍奔相屬徂源雙注

合為一川水側有鼻天子城鼻天子所未聞也

朱氏
謀璋

箋曰幽明錄始興有鼻天子冢又有
鼻天子城路史謂鼻天子即象也邪階水又西北

注于東江江水又西逕始興縣南又西入曲江縣邸

水注之水出浮嶽山山躡一處則百餘步動若在水也
也因名浮嶽山南流注于東江東江又西與利水合
縣之韶石北山南流逕韶石下其高百仞廣圓五里
兩石對峙相去一里小大略均似雙闕名曰韶石古
老言昔有二仙分而憇之自爾年豐彌歷一紀利水
又南逕靈石下靈石一名逃石高三十大廣圓五百
丈者舊傳言石本桂林武城縣因夜迅雷之變忽然
遷此彼人來見歎曰石乃逃來因名逃石以其有靈

運徙又曰靈石其傑處臨江壁立霞駁有若續馬水
名驚瀨傳響不絕商舟淹留聆翫不已利水南注東
江東江又西注於北江謂之東江口溱水自此有始
興大庾之名而南入浚陽縣也

過浚陽縣出滙浦關與桂水合

溱水南逕浚陽縣西舊漢縣也王莽之基武矣縣東
有浚石山廣圓三十里挺崿大江之北盤陟長川之
際其陽有石室漁叟所憇昔欲於山北開達郡之路

輒有大蛇斲道不果是以今行者必於石室前汎舟

而濟也溱水又西南歷臯口大尉二山之間是曰澗

陽峽兩岸傑秀壁立虧天昔嘗鑿石架閣令兩岸相

接以拒徐道覆溱水出峽左則澗水注之水出南海

龍川縣西逕澗陽縣南右注溱水故應劭曰澗水西

入溱是也

一清按漢志桂陽郡澗陽縣下應劭曰澗水出南海龍川西入秦道元引之分而為

二上句又不云是應說

溱水又西南滙水入焉山海經所謂湟

水出桂陽西北東南注肄入敦浦西者也溱水又西

南逕中宿縣會一里水其處隘名之為觀岐連山交
枕絕岬壁竦下有神廟背阿曲流壇宇靈肅廟渚攢
石巉巖亂峙中川時水洊至鼓怒沸騰流木淪沒必
無出者世人以為河伯下材晉中朝時縣人有使者
至洛事迄將還忽有一人寄其書云吾家在觀岐前
石間懸藤即其處也但扣藤自當有人取之使者謹
依其言果有二人出外取書并延入水府衣不濡濡
言此似不近情然造化之中無所不有穆滿西遊與

河宗論寶以此推之亦為類矣溱水又西南逕中宿

縣南吳孫皓分四會之北鄉立焉

南入于海

溱水又南注于鬱而入于海



水經注釋卷三十八